

江華縣志卷之一

方域

星野 部落

沿革

疆界

道路

山川

自黃帝畫野迄秦漢置郡縣遠近相維大小相制如農夫之有畔無或越也江華析馮乘縣置廣袤四百餘里占天文則星野宜詳考古制則沿革宜悉以及幅員之廣狹里至之短長山川部落之聯絡區分皆守土者所宜留意至於戴星出政因地制宜以阜民成俗則又存乎其人矣

江華縣志

卷之一

方域

星野

星野

皇甫謐世紀自張十八度至軫十一度曰鶉尾之

次於辰在巳謂之大荒落於律為夷則斗建在

申全楚分野

本紀二千九百三十二里為一度

班固三統歷自張十七度至軫十一度為鶉尾

陳卓

郡 躔 次同

費直周易起張十三度至軫七度為鶉尾

蔡邕月令章句自張十二度至軫六度謂之鶉尾

之次立秋處暑居之



新唐書鶉尾建巳之月內列太微爲天庭其分野自南河以至負海亦純陽地也布太微之政而在巽維外者鶉尾也

爾雅鶉尾曰鳥帑左氏襄公二十八年傳江南爲朱鳥鳥尾曰帑周楚之分

漢書地理志翼軫楚之分野今南郡江夏長沙零陵桂陽武陵及漢中汝南盡楚分

唐書地理志江南古揚州南境郴岳鄂潭衡永道邵黔辰錦施敘獎夷播思費南溪溱爲鶉尾分

江華縣志

卷之一

方域

二

星野

唐書天文志翼軫鶉尾也初張十五度餘千七百九十五秒二十二太中翼十二度終軫九度共分野自房陵白帝而東盡漢之南郡江夏東達廬江南郡濱於彭蠡之西得漢長沙武陵桂陽零陵

晉書天文志翼軫荆州南陽入翼六度南郡入翼十度江夏入翼十二度零陵入軫十一度桂陽入軫六度武陵入軫十度長沙入軫十六度

春秋元合

星散爲荆州



唐書天文志軫在天關之外當南河之南中一星  
主長沙逾嶺徼而南爲東甌青邱之分

明史天文志永州府道州皆翼軫分又軫旁小星  
曰長沙應其地郴永等十六州鎮

廣雅荆屬衡星

張衡東漢志注斗玉衡第四星主荆州以五卯日  
候之己卯日爲零陵

石氏星經南宮赤帝其精朱鳥爲七宿井首鬼目  
柳喙星頸張喙翼翮軫尾司夏司火司南嶽又

江華縣志

卷之一

方域

三

星野

熒惑主楚 以上分野

諸葛占星彗星犯翼軫楚地大兵人民災

石氏星經星孛於鷄尾荆域有變黑雲氣貫翼軫

荆楚水

天官書月蝕在翼歲旱歲星蝕月在翼楚地饑

史記軫四星居中二星爲左右轄車之象也又司  
馬貞索隱與巽同位爲風車動行疾似之

晉書天文志軫主冢宰輔臣也又主車載任有軍  
出入皆占於軫明則車駕備動則車駕用轄星



傳參兩旁主王侯左爲王者同姓右爲異姓  
宋史天文志太白犯軫爲兵起得地起左角逆行  
至軫失地經天兵滿野

春秋緯太白入軫兵大起

石氏星經辰星守軫歲水軫光耀天下昌萬民康  
四海歸王

史記軫旁小星名長沙星星不欲明明與四星等  
若五星入軫星中兵大起

張守節正義長沙一星主壽命占明主長壽子孫

# 江華縣志

## 卷之一

方域

四

星野

昌 以上占驗

### 沿革考

漢書武帝元鼎五年南越相呂嘉反遣伏波將軍  
路博德等擊之六年南越平以其地爲蒼梧等九  
郡蒼梧屬交州領縣十馮乘其一也馮乘之置蓋  
始於是後漢屬交州部三國時地入東吳隸臨賀  
郡屬廣州晉因之穆帝朝以義陽流民在南郡者  
立義陽郡割益州之巴東江州之桂陽及臨賀諸  
郡屬之南北朝宋隸臨慶國屬廣州後屬湘州南



齊隸臨賀郡屬廣州梁陳因之隋文帝開皇九年  
平陳改隸永州總管府煬帝大業初州復爲零陵  
郡恭帝侑義寧二年蕭銑隸荊州零陵郡屬梁馮  
乘在其內唐高祖武德四年平梁以零陵之馮乘  
置賀州又析賀州之馮乘置江華隸營州江華之  
名昉此五年改州爲南營州太宗貞觀八年改爲  
道州十七年州廢隸永州高宗上元二年復置還  
隸道州元宗天寶元年改州爲江華郡肅宗乾元  
元年復曰道州江華隸如故睿宗文明元年改爲

江華縣志

卷之一

方域

五

沿革考

雲溪縣中宗神龍元年復爲江華屬江南西道江  
南西道采訪使衡州防禦使湖南觀察使昭宗乾  
甯二年以劉建鋒爲武安節度

治潭州今長沙府

三年軍

亂殺建鋒推都指揮馬殷爲留後遂據湖南

潭衡

岳道永邵辰溆溪錫獎  
十三州俱今湖南境

國號楚自後唐至後漢屬

馬氏隱帝乾祐末年馬希萼殺楚王希廣自立始  
送款於李璟附南唐周太祖廣順元年楚將徐威  
廢希萼立希崇唐遣邊鎬擊之希崇降楚亡旣而  
劉言取之尋又爲王逵周行逢等先後壘據宋太



祖乾德元年平湖南置荆 湖南路安撫司分置  
道州江華郡軍事江華仍隸焉高宗紹興元年屬  
荆湖東路二年復故元世祖至元十三年置道州  
安撫司十四年改爲道州路總管府江華隸如故  
屬湖廣行省湖南道宣慰司嶺北湖南道湖南廉  
訪司明太祖洪武元年改道州路爲道州府時邑  
人劉仲興新附仍以隸焉九年降府爲州領江華  
等三縣隸永州府屬湖廣布政司偏沅巡撫我  
大清定鼎初爲曹志建所據順治六年己丑定南王

江華縣志

卷之一

方域

六

沿革考

孔有德帥師南征遣左翼將軍馬蛟麟破走之江  
華縣始入版圖領鄉六編戶六里隸永州府屬湖  
廣巡撫偏沅巡撫康熙三年移偏沅巡撫駐長沙  
雍正二年改爲湖南巡撫添設湖南布政司專治  
湖南等處復設各外道分領之永隸分守衡永郴  
桂道

沿革表

郡國

國號

總部

軍路

縣



唐

虞

夏

商

周

秦

漢

海州

南越

初南海尉任隱病且

死召龍川合之能行尉事

江華縣志

卷之一

方城

七

沿革表

歸死佗移檄絕道誅秦吏擊弁桂林象郡高帝十一年使陸賈授璽綬封為南越王歷惠文景三朝為外臣其實一州主也

交州

蒼梧郡

武帝元鼎六年

馮乘縣

以地行馮水

名

平南越置蒼梧等九郡復置馮乘縣隸蒼梧

交州部



國

吳

臨賀郡

廣州

廣州

臨賀郡

義陽郡

東晉穆帝時置

臨賀縣

南北朝

宋

廣州

臨慶國

馮乘縣

侯國

湖州

治臨湖高祖永初三

年置領臨慶等十郡

江華縣志

卷之一

方域

八

沿革表

南齊

廣州

臨賀郡

馮乘縣

梁

廣州

臨賀郡

馮乘縣

陳

廣州

臨賀郡

馮乘縣

隋

荊州

永州總管府

文帝

馮乘縣

平陳改屬

開皇九年平陳廢零陵郡置領縣五



零陵郡 楊帝大業初復

梁大業十三年

蕭銑起兵巴

陵恭帝侑義

甯二年徙都

江南西道

營州 平蕭銑置

江華縣 中蕭銑析

南營州 五年改

賀州 馮乘縣

江南西道采訪道州 太宗貞觀

之半還屬臨

使 元宗開元 永州 貞觀十七

賀舊志在陽

江華縣志 卷之一

方域

九

沿革表

置領永道等

併入江華隸

雲溪縣 睿宗文

衡州防禦使 治

道州 高宗上元

改

州 肅宗至德

江華 遠來屬

江華縣 中宗神

二載置領永

江華郡 元宗天

復

湖南觀察使 治

改

州 代宗廣德

道等五州大

歷四年徙治

武安軍節度 宗



五代

乾寧二年以  
劉建鋒為武  
安節度

五代

後梁

楚

唐昭宗乾寧  
三年武安軍

道州

江華縣

亂推馬殷為  
雷後殷遣其

將秦彥暉等  
攻連邵郴衡

道永六州下  
之遂并湖南

附朱梁國號  
楚

後唐

楚

道州

江華縣

江華縣志

卷之一

方域

十

沿革

後晉

楚

道州

江華縣

後漢

楚

隱帝乾祐二  
年馬希萼殺

道州

江華縣

楚王希廣自  
立附南唐

後周

南唐

太祖廣順  
元年楚將

道州

江華縣

徐成慶希萼  
立希崇唐遣

邊鎬擊之希  
崇降楚亡

武安軍節度  
朗治



州今常德府  
廣潁二年故  
楚將武平留  
後劉言攻潭  
州克之馬氏  
嶺北故地悉  
屬言奉表於  
周周以為武  
平節度三年  
武安節度王  
逵殺而奪之  
世宗顯德三  
年楚人殺王  
逵奉周行逢  
為節度復  
以行逢為武  
平節度使

江華縣志

卷之一

方域

十一

沿革表

宋

荆湖南路安撫道州江華郡軍江華縣

緊

司 太祖建隆

事 平湖南置

安節度周行  
逢卒子保權  
嗣遣兵代永  
州戍部將張  
文表驅之以  
襲潭州據焉  
保權求援於  
宋乾德元年  
遣慕容延釗  
討之克潭州  
遂入朗湖南  
平置安撫司  
之領



荆湖東路 高宗紹興

元年置 二年復故

湖廣行省

湖南道宣慰司

湖北湖南道

湖南廉訪司

道州路

道州路安撫司

世祖至元十三年置

道州路總管府

至元十四年置

道州府

太祖洪武元年

江華縣

湖廣布政司

明

湖廣巡撫

方域

江華縣志

卷之一

三

沿革表

偏沅巡撫

神宗萬曆

道州

洪武九年降隸永州

二十八年置治偏橋鎮

府仍領江華及寧遠永明三縣懷宗十

二年置新田增入領縣四

國朝

湖廣巡撫

偏沅巡撫

康熙三年

移駐長沙

永州府

領州一

江華縣

湖南布政司

康熙

三年置



湖南巡撫 雍正二年

改偏沅巡撫

置

分守衡永郴桂

道

疆界

東西廣二百八十里

南北袤一百四十里

東自縣治二百五十里接廣東連山廳關亭界

南自縣治一百里接廣西賀縣薺薇邨界

江華縣志 卷之一

方域

三

疆界

西自縣治二十里接本府屬永明縣重疊嶺界

北自縣治三十五里接本府屬道州獅子嶺界

東南自縣治一百五十里接廣西賀縣開山界

西南自縣治七十五里接廣西富川縣靈亭鄉界

東北自縣治三十里接桂陽州藍山縣大橋汛界

西北自縣治三十里接本府屬永明縣龍外嶺界

道路

東陸路至廣東連山廳三百里

南陸路至廣西賀縣三百里



西陸路至本府屬永明縣六十里

北陸路至本府屬道州九十里

東北至桂陽州藍山縣三百里

西南至廣西富川縣一百四十五里

至永州府陸路二百七十里水路五百四十里

至湖南省城陸路九百四十五里水路一千六百

三十里

至湖廣省陸路二千里水路二千六百餘里

至北京陸路五千七百餘里

江華縣志 卷之一

方域

西

道路

山川 凡不甚顯著及散見於村落堡寨水利橋崗各門者不載

山三十三嶺十二巖三十四谷一岡五洞四石

一水十四江十二溪源八灘二壩一泉四井

八

山

施山在縣治後西南隅縣之主山也其脈從永明

黃沙嶺東來盤旋曲折綿亘數十里施水在右

隨之中起三峯 府志作三島疑誤 其一高聳入雲古名

三華山或稱鳳嶺土人呼為上下施嶺



豸山在縣東一里一名蝦蟇山轟然而高通體玲

瓏前臨池水巖壁中嵌小庵上綴岑樓可望蒼

梧九疑山巔古松百餘株蒼蔚蟠鬱極奇峭之

致明以前不甚著萬厯中全州滕元慶為邑教

諭始見題詠巋然崖壁立一竅向中開頽洞破

天巧蕭涼出世才闕雲拳野鶴曲

徑篆蒼苔夜靜無關鎖千峯伴月來輞邑合鄧

鼎動詩偶步東郊遇老僧浮屠盡鎖許同登雲

橫縹緲山腰寺日射玲瓏渡口督身近三天收

浩蕩勢陵千仞失峻嶒賞心自此頻臨眺俗念

全除萬景激又詩何必桃源洞斯巖亦迥然

翠回千嶂結孤壓萬峯懸砥柱臨空水岬嶢近

碧天立身樓外望雲影自飛騫蔣琛

記嘗觀元次山蔣穎叔諸記推崇陽華奇獸而

江華縣志

卷之一

方域

五

山

豸山之勝未經賞識次山穎叔號能探奇覽勝

乃至近在門階遺之異代豈非豸山之不遇乎

山故在城東半里沱水之隈沱水附入於瀟瀟

潺幽響循山而出水上斷壁嵯峨倚石作階拾

級而登可十步許從斷壁東上循仄徑至山腰

一庵龕於石广中又折而升樓下臨無際俯眺

田疇髣髴似罨畫人行如螳蠕蠕然動遠眺蒼

梧諸山青黛若繡燕坐其間塵喧既遠萬籟闐

寂可以習靜忘老故避俗之士恆樂遊之夫巖

中奇勝不讓陽華奇獸特以不遇古之賢達致

湮沒而不彰若琛者山雖十百遇之何足為茲

山重於庠山之遇不遇其不同猶如此與郡

守薩迎阿詩披地起崔嵬雲屏月洞開逝川流

不盡行客倦猶來飛閣瞻仙佛吟賦嘔乃歛江

城界楚粵一豸鎮邪回如舉朱琦咏豸山巖

贈閣鶴舫明府詩屹然眾邪辟逼視益崔巍絕

巖無梯上層樓接洞開一灣沱水護雙漢粵舟

來半壁西南障應推作鎮才



鳳凰山在縣南一里

虎岡山在縣南一里

馬鞍山在縣南五里

蔣家山在縣南五里

象山在縣東五里

回山在縣東南十里陽華巖南

蓬田山在縣東十五里

紗帽山在縣西北十五里

香爐山在木蘭村後里許高插雲表形若香爐

江華縣志

卷之一

方城

六

山

釣羅山在縣南二十里

大帽山在縣西二十里

猴山在縣南三十里

岑山在縣西三十里

桐山在縣西三十里

木山在縣西南三十五里

苦竹山在縣西四十里

秦山在縣南五十里高聳深邃人跡罕到盛夏常有積雪土人稱為千年雪中多古梅古桂相傳



秦時人嘗避亂於此明一統志吳孫權未建號時山有聲如雷遂開洞穴石有文采權以為瑞唐天寶中改名吳望山九域志謂江華縣南有吳望山是也按太平寰宇記富川縣北三十里有秦山高二千餘丈孫權時雷開六洞所載與此畧同

吳望山即秦山舊志列為二謂與秦山相接或別有所據並存俟攷

香山在縣西南五十五里

方域

江華縣志 卷之一

七

山

楊山在縣西南六十餘里

羊頭山在縣西南五十里與雲川團近

雲川疑卽雲溪唐文

明中更縣名雲溪或以此也

石馬山在縣南六十里

姑婆山在縣西南七十里

歌父山荆山記

當是荆州記之譌

馮乘縣有善歌者聲振

林木故名舊志在縣東南九十里按太平寰

宇記賀州桂嶺縣有歌山其得名之由與此畧

同今縣南抵賀縣百里此山當在江賀之交



冬冷山距城百二十里南界賀縣高聳陰寒故名  
上梅山在濠江峒之東南

石龍山在錦田城南

半逢山舊志在縣南百六十里府志引水經注謂  
卽古馮乘縣東北之馮岡其水卽今東河之馮  
水馮逢同音世謂平流半山與他水合稱半逢  
者方語傳譌也又據地圖謂今縣南接界不過  
百餘里卽半逢別爲一山亦疑與下禾田山俱  
不能在境內恐有舛誤並存之以俟攷

江華縣志

卷之一

方域

六

山

禾田山舊志在縣東南百七十里高不可登下多  
沃壤

春頭源山在上伍堡縣東南極邊山沱水經流所  
出俗呼大尖山南與蒼梧嶺接

歐陽山在上岡南六里近蒼梧嶺

梯子嶺在縣西北十里又府志地圖縣南七十里  
有梯子嶺疑別是一嶺

南嶺在縣東十里

金蓋嶺在縣東十五里以形似得名一作鍋蓋嶺



大斗嶺在縣南三十里

牛尾嶺在香山坪東

葫蘆嶺在縣七十里

勾掛嶺在縣南七十里由此至嶺東山徑峭折名

十三灣上有峻絕處號百步險 國朝邑令鄭

鼎勳自此度粵有詩

與從扶行杖古藤萬峯深處是官程雲迷白海昏天

露灑青岑失雨晴谷邃雲迷行跡險路紆石

滑馬蹄驚疆分楚粵民風古畱宿征人劒夜鳴

瘴雨蠻雲斷復連勞勞遊跡破荒煙脚跟踏

到無窮地眼底翻疑有盡天鷄犬無聞難覓路

隸奴有夢冀生還何如捧檄

毛家客厯險登高似羽仙

江華縣志

卷之一

方域

九

山

蒼梧嶺在縣南九十里八景之一

案楚粵之交

山以蒼梧名者不一疑皆九疑支山猶寧江桂

賀之皆有桂嶺也

明道州刺史韓子祁詩南關盡處聳重巒絕頂登來眼界

寬屏障三湘雄萬仞道通百粵遶千蟠危巖雲

密晨光奔峭壁風生樹色寒漫說終南佳處好

桂陂嶺在錦田南

萌渚嶺水經注五嶺第四嶺也其山多錫謂之錫

方通典謂之毗渚嶺今謂之白芒嶺一統志在

縣西南省志距縣城十五里府志謂縣白芒營



在六十里外疑省志有誤 按廣西富川縣志

縣東有東山產錫礦於五嶺為葫渚界連三廣

奔驟如萬馬不能悉載俗名姑嬖山以縣圖參

之姑嬖山距縣七十里西南界富川則此嶺即

姑嬖山無疑緣府志地圖列為二並存俟攷

豸巖在城東一里山勢特起形肖角端 國朝理

猺郡丞李邦燮始得之謂視蝦蟇山為勝作豸

山巖記訂前人以蟾為豸之誤今並載之而以

此為豸巖以別於豸山云 李邦燮記江華縣東門有巖曰豸山志稱

江華縣志

卷之一

方域

三

一名蝦蟇巖並引田山王記云其山西向盡然

而高逼體玲瓏一庵嵌於石广如浮屠七級前

臨沱水凭檻憑欄蒼梧九疑如在畫圖又云水

口禽星有關縣治府志通志均據縣志所引纂

入余於癸亥六月佐郡來縣公餘無事欲遍歷

邑中山水地就近郭者先領其勝小胥則以蝦

蟇巖請比至巖下悉如用所云心竊疑豸形並

無彷彿處且豸與蝦蟇其形絕不相類何以一

山而有兩名辨細諦視終不得其故今年夏復

至縣城欲遊勝華巖循象山而南回視城東之



山恍然如豸則辨為一山斷非蝦蟇巖可混而

為一也獸中之獨角者曰角端又曰獬豸今觀

茲山全形畢具一角遠峙雲際前人命名之意

自非無謂後人不察妄以蝦蟇巖當之已屬固

陋乃著書者亦率意為之不加詳考為可笑也

况西與象山對峙正可為縣治門戶且江流至

此一折收束急流茲山有功於縣不淺安得以

蝦蟇巖而合茲山終至湮沒也哉 邑明經蔣



志高詩天造奇峯境最幽晴光倒影漾江流山  
形好是龍回首石勢真堪象作儔纔向小橋通  
仄徑忽開窟罅嵌層樓兩河刊  
此巖橫鎖勝景悠然萬古留

高明巖在縣西一里許明邑合蔡光始磨厓刻詩

薄書暇日踏芳蹊探得仙巖天上樓俯視塵凡  
成獨概更憐人世尙多迷湖南絕徑埋名久馮

乘諸峯人望低不是洞中猿鶴老仙靈留待主  
人題 邑合杜漸詩誰開石室坐崖巖百里山

川落日前近席有花甯避酒遠林無樹不含煙  
採桑女出雲間路驅犢農耕雨後田好景何如

此三月其收春色付吟肩 國朝邑合鄭鼎  
勳詩偶因春日融一問龜猿石風籟響空林蒼

茫暗行跡路幽來素香雲冷含虛白深洞寂無  
人孤尋還自惜 永明蔣琛詩一覽極高明翠

色渺無盡峯攢雲路窮壁峭日光振緩步石選  
慳浴日青蒼隕巖壑亦何高登臨絕攀引欲卜

江華縣志

卷之一

方域

三

此中棲恐滋遲春晒 碧溪山人蔣其廉詩巖  
以高明號委迤石數盤空濛濯曉露菁蔚曠春  
寒近郭望何遠臨流秀可餐日光纔尺咫不厭  
度江看

龍巖在縣西三里上有古廟

虛明巖在縣東三里許巖之對面特起一峯林谷

深邃中懸石乳叩之蓁蓁然土人稱爲石鼓奇

音

寒巖在縣南三里寒亭下宋宜興蔣之奇有銘曰

寒巖水石怪特殊異下臨銀江上接雲際公儀  
穎叔志樂巖谷詣而得之賞愛不足爲近寒亭

寒巖是名何以表之穎叔作銘 南宋時邑合  
虞從龍重刊有跋右銘元刻於寒亭之上年深



字混幾不可讀既新泉亭得沒字碑於亭左意昔為新銘設也乃徙刻之且以彰予愛好之志云後治平一百二十四年邑合西隆虞從龍刊府志金石畧寒巖銘諸志所不及近新獲此欣未曾有虞合官表失載所謂後治平百二十四年乃光宗紹熙元年庚戌也分書當是穎叔舊跡虞合特重刊之耳案宋史蔣之奇傳英宗朝擢監察御史神宗立轉殿中侍御史取監道州酒稅元祐初以天章閣待制知潭州此治平四年正其官御史時不知何以至此也

奇獸巖 舊志作獅子巖因與嶺東在縣南五里巖口有伏石狀如狻猊八景之一宋蔣之奇有銘

並序 奇獸巖俗曰獅子 在江華邑南二里蔣之奇穎叔過而愛之為之作銘曰奇獸之巖

環怪詭異元公次山昔所未至我陪公儀游息於此斯礪之著自我而始勒銘石壁將告來世

江華縣志 卷之一

方城

三

治平丁未同沈公儀遊 京兆游何記僕嘗讀唐元次山集而獨不載獅子巖然士大夫稱之比

來往跡其處攷其初開歲月乃主僧慧日之先師合上人熙甯中作也惜乎溼澗不容借揭一

覺有此餘恨紹興乙丑夏游何蕭卿 何麟詩巨為陽華遊軒豁諧素志那知此嵌巖近在回

翔地石如狻猊狀蹲伏呀可畏雖無嘖呻感使百獸避漫郎嗜泉石足跡靡不至是巖端

遺定自求其備澹崑冠湘中環瑋傳萬耳此巖斯一言亦以山無水骨多欠榮血草木感枯轉

其誰喜冥搜韻語發天秘石門何晃蕩坐久三嘆喟徑欲挽銀潢淙淙滿人意 金華隱居何

麟以紹興戊辰十二月三日同襄邑許顛廣川劉思永財江劉毅淮海張擴來遊壻汪蟾子洪

偕從 邑合張壑續銘惟蔣穎叔文高節奇正名茲巖作為銘詩彼何人斯大字覆之來遊來

嗟其孰與稽端平丙申邑合張壑思承厥傳刻此崖際俾冰壺孫李焯古綠凡百君子愛而勿



替可考 府志李冰壺名長庚三子皆有名焯事無  
遊曉雲歸洞口蒼巖映沙洲石壁磨巖舊黃侯  
窠額雷居夷何有陋吏隱為民憂 邑合杜漸  
詩何必龍山坐翠微巖前秋色未全非風迴碧  
樹吹烏帽酒盡青簪見白衣營道四郊烽燧靜  
平原千頃稻梁肥恣遊却得歸途晚月下清笳  
半虎威 國朝邑合林調鶴詩元公好遠遊  
文章被邱壑此巖負異姿獨未經褒錄山水有  
遭逢嘆興在吾族我來發其奇瑋瑰務標暴洞  
穴何玲瓏混濛孰開鑿疑從鷲嶺移垂天雲翼  
覆磊何似晴人崔嵬相委屬舉頭霞欲流承盤  
乳堪掬搜求極詭秘靜對宜幽獨左顧尋空明  
乍驚狡狴伏威神自嵌藏炯光如在目松風助  
吼鳴萬籟佐森肅忽焉蒙谷移山帶飛微霏嚮  
晦辭靈扁猶嫌歸路促畱詩片石閒庶待來者  
續 承明蔣秉銓詩探奇搜異趣縱步來巖阿  
石洞蹲獅子松梢墜薜蘿殘碑沒鳥篆枯樹但

江華縣志 卷之一

方域

三

巖柯摩索前人句驚心感慨多

大光巖在縣北七里王璋縣圖作大鑑山

娒巖在縣西十里巉削奇秀洞中有石柱如蓮花

一稱蓮花巖又有芝菌入仙及魚躍龍門白虎

守門諸形相傳為蔣大士攝鍊處 國朝邑合

林調鶴有遊蓮花巖記 自浪石西行約三里至

盤處也巖口石如屋宇炬而後入足下流響森森  
幽沁脾鬻頰頰涼仰見石巖纍垂如菡萏如舒

萼如隆商皆疑鬼工鏤劃巖之名或以此耶石  
髓滴漉漉如澍積日月還復為石晶瑩水雪光射

兩眸石勢飛動倚伏大小高下爭奇呈像肖形  
隨人意方物似迎展齒皆石也忽石窮土見則



阡陌井井人從畝上行焉稍憩復進忽水石皆窮對面峭石壁立迺折而左雙扉陡絕攀陟得邱壑結聚處則大士證果之別一洞天也先是炬行半里皆黑至此石壁一罅透入光明照見石室宏坦天然蒲團面壁地也石潭淙碧投之以石聲淙淙然如鐘聽之萬慮皆清屏息徘徊久之不復有人間世想石符直插摩頂五丈許層累如浮圖大士圓寂之日飛身於最上一層委蛻趺躄儼如蓮座焉巖之名又或以此耶意自有天地以有此巖以有此石歷千萬年若懸以待此大耶意未有此巖未有此石先有此人歷千萬年偶一出世而現身於此巖此石耶獨意此石不壞則此身亦不壞即閉幽壑千萬年正得清淨何為復顯於人間而龕宇之而尸視之正復不得清淨耶豈大士有意於此耶抑有大不得已於此耶 又重九遊蓮花巖詩登高期此日釋維一尋秋隨雲叩霧關雲飛沆漑流洞口覓胡麻披襟坐清幽洞中自光明不與世

方域

江華縣志 卷之一

三

為謀燃炬始得照詭秘任勞披領要妙來會耽奇意必周我欲窮其源直於最上頭元屬另闢關嶺屹鬼斧修維摩大室淨蓮花塔巖浮天地為結撰真人託此邱一悟萬境寂究非神所覆觀者忽沉冥無復塵世求 宜江李千齡詩天上無凡骨人間有異居異居詎索價難逢買者如今朝馳駟馬昨日駕高車玉堂兼金屋到此轉趨起森森千丈松蕩蕩一池蘂黃鶴青鸞鳥烏龍赤鯉魚沆漑煙霞水精華日月精瑤臺曠露精闈苑晚風疎忽有自頭翁呵呵倒騎驢手將羽扇搖指與不識書 邑合鄭鼎勳詩偶來姓巖裏巖中別有天花開山益老地關境尤偏松蔭移亭午茶香挹檻泉 探奇逢勝景對此白難捐

下嶺巖在白泉村內外石門二重幽深莫測燃炬行四里許石上刻左通承明右通道州八字復



有東西南北四門奇狀不可勝紀

陽華巖在縣東南十里山勢嚮陽清迥高朗中有

石磬下有寒泉唐元結守道州時作銘屬邑合

瞿合閭書之刻崖石世稱名蹟八景之一

山銘

並序道州江華縣東南六七里有回山南面峻

秀下有巖巖當陽端故以陽華命之吾遊處

山林幾三十年所見泉石如陽華殊異而可家

者未有也故作銘稱之縣大夫瞿合閭藝兼篆

籀俾依石經刻之巖下銘曰九疑萬峯不如陽

華陽華巖巖其下可家洞開為巖巖當陽端巖

高氣清洞深泉寒陽華旋迴嶺巔如闕溝塍松

竹暉映水石尤宜逸民亦宜退士吾欲投節窮

老於此懼人譏我以官矯時名蹟彰顯醜如此

為於戲陽華將去思來前步却望踟躕徘徊大

江華縣志

卷之一

方域

三

山

唐永泰二年歲次丙午五月十一日刻 又招

陶別駕家陽華巖詩海內厭兵革騷騷二十年

陽華洞中人似不知亂焉誰能家此地終老可

自全草堂皆巖洞幾峯軒戶前清渠而庭堂出

門仍灌田半崖盤石徑高亭臨極巔引望見何

處透迤隴北川松幾萬萬株蒼蒼滿山前巖高

暖陽華飛溜何潺潺洞深迷遠近但覺多洄淵

晝遊興未盡日暮不欲眠探奇飲洞逸公獨忍

不然無何畢婚嫁免為俗務牽 府志此詩詩

志載次山作王煦等省志改作李長庚詩不知  
何據按程述詩實指招別駕為次山事而長庚  
和江侔詩亦云從來招別駕引用為故實其為  
次山詩無疑矣 京兆游何詩並跋西風捲  
雲欲壓不墮地化作碧孱顏融結在空際是名  
陽華巖造物一何異東山雨脚斷明月招我至  
有窺嵌竇深密恐鬼神闕細度次寥風舊無卑  
溼氣虛閣架其中榻以浮嵐美下有潺湲翻  
雪轟雷比閣背兩橋分巖脇雙龍起石如纓絡



垂整整翠綾委又如鼓鞞形搗擊聲頗厲溪水  
相與喧鐘磬亂宮徵巖窮天忽開木杪風自靡  
坐久髮毛寒興逸詩語綺無人共一尊有客自  
千里山僧頗殷勤求伴亦忘寐拂石要題詩揮  
毫留漢隸紹興乙丑秋仲冒雨獨游陽華巖  
勝絕未讓淡山巖恨古今詩人未有奇句上  
游何臨清流以賦之且採藥桐帽悵不一陪浮  
溪先生金華居士以徜徉丙寅十月十五日口  
山僧立石按跋中金華居士一語似指  
金華隱居何麒而何麒詩係紹興戊辰十八年  
作後乙丑三年或別有所指存疑何麒詩名  
山故多巖茲巖擅天下屋大享干人谷深量萬  
馬谿谿通一水旁午飛橋跨石礫巧雕鏤松篁  
森繪畫古人棲遁處文字猶憑藉語妙元次山  
名高陶別駕瞿君三體篆殆可敬翁亞卻後累  
百年吾人來嘆咤伊予邱壑姿嗜好若天假終  
焉卜真隱學道冀陶洽丹成生羽翼召節青童  
把揮手挹霞芒竦身朝帝者採翻輝芒金華隱

方城

江華縣志

卷之一

三

居何麒以紹興戊辰十二月三日同襄邑許  
廣川劉思永盱江劉穀淮海張擴來游塔汪  
子洪偕從宋紹興時郡丞程逖詩有跋平生  
喜偉觀泉石成膏肓流落天南陲頗覺宿念  
陽華甲千巖豈特魁一方橫開造化奧不假  
燭光洄淵泛激流闊步維飛梁草木被餘潤  
龍或隱藏千歲石乳垂形似分微芒客來試  
拊聲如浮磬長緬懷永泰間四海何披攘元子  
把麾符擇勝曾彷彿聲斷發健筆漫浪忘故  
別駕何如人欲挽居其旁不知果從違高詠  
鏗鏘我今見中興隨牒瀟水陽官曹旣清簡  
穀頻豐穰不憂西原蠻免奏租庸章公餘且  
留解衣據胡床憶昔黃太史澹巖藉掄揚地有  
遇不遇實在名何傷賴得金華僊英辭灑琳  
紹興乙亥歲十月二十七日郡丞逢澤程逖  
以職事至江華因游陽華盤礴賦詩而歸縣合  
南陽安珪尉伊川程蓋同來邑合安珪後序  
府判朝議郎程公按行下邑公務之暇同遊陽



華周覽水石之樂遲遲終日眷戀忘歸公乃賦詩而還其英辭妙句鏗然有擲地之聲覺前後名公大儒留題篇章皆不足以望其藩籬也於是命工鐫刻於石俾永其傳使斯巖之名自此會重方來之士有瞻其玉畫誦其佳什者亦可以知其人也江華縣令安珪謹識

惟香殿古多奇跡江山秀麗輝然天火劫徧忽萬峯乃積代聖境然皆氣象荒遠清秀絕特之稱若江華之東南有陽華之觀也乃唐元刺史名之嘗於此招山自爲之銘翟令問爲之書壯其文

畫亦足以冠絕後世加之宗工鍊儒繼以詩章由是聲價益高遍在湘楚不其題駁上有迴山而面南下有大巖而當陽巖

其中石巉然可怪多不能盡

秀澈玉漱冷冷之聲與地籟相和

不待笙磬而

丁口迭作前有浮嵐閣後有朝徹亭次有仙田

江華縣志 卷之

方城

三

高下數頃長虹架水縈繞如帶中外而入窈若壺中飄飄然忘軒冕之累浩浩然有遠擢之志信乎人間別有天也後之人有爲山水題評者當不落天下之第二也予頃丞邑飽諳佳致每哦松之暇輒來往其間似得所樂及瓜而去迄今十餘年朝夕恍然若有所失今豈意復來茲邑造物者有以從人欲也予嘗公餘之暇訪於邑之耆髦乃得思來亭之故基於巖門之外云已久曠矣嗚呼廢興成敗不可得而知也彼與而成之者若何人廢而敗之者又若何人耶於是撫然悼之乃創工建亭以成前賢之志推廢興成敗之理於無窮者斯亭異日又未可知也故並以刻之昔唐四明道士葉沉囊蓄古畫枕之美其可不繪而圖之以傳諸好事者哉乃命丹青之士摹寫形容勒之堅珉以示無極雖未能盡臻妙亦可以見髣髴也庶往來之人不特觀覽且攜其本於外使傳者不虛矣碑成須得



江華縣志

卷之一

天

數語以續之言不成文聊以紀其萬一爾紹興  
丙子三月申澣日右從政郎江華縣令主管學  
事勸農營田公事安珪序並立石江朝儀詩  
十里雲深處陽華小洞天千巖虛夜月萬壑溜  
寒泉石磬生何世仙田種幾年神靈自幽顯時  
序任流遷案朝儀舊志載永州府判查府官  
表不載以李長庚次韻詩題參之疑是道州府  
判李長庚仲冬自甯遠來遊陽華巖詩沿崖  
渡水六七里劃見幽居畫屏倚却躡長江信步  
行下瞰清流皆脚底漫即泉石之董狐妙語品  
題良不誣千巖萬壑果何似吾家九疑誠不如  
次江府判韻塵外非無境壺中別有天從來  
招別駕於此嗽寒泉案此詩原係五律而說  
其半舊志刻入五絕非又七月遊陽華詩  
指淡山如削瓜碧雲一朵是陽華莫言古洞中  
無物須信嶄巉下可家細聽泉聲響環珮更看  
山色媚煙霞一邱一壑平生事不覺歸鞍聽晚  
鴉又蔣助教招飲陽華巖薄暮歸賦四絕春

方域

風今日燭陽和觸目江山發興多如畫幽巖無  
十里輕衫短帽得婆娑偶尋山徑到陽華碧

玉玲瓏正可家近想舊遊如夢寐摩挲石壁但  
咨嗟我識陽華十六年當時面目故依然

泉白石都無恙皓髮蒼顏只自憐巖下留連  
且盡歡不知紅日半銜山歸時林壑風煙暝

有昏鴉相伴還又同合尹張濟之早飲獅子  
巖晚飲陽華巖乘月泛舟而歸賦三絕朝遊

子晚陽華翫水尋山豈有涯野鶴沙鷗慣看  
一雙對立渡頭沙到此令人憶漫郎筆端妙

語發天藏泉聲漱玉生秋思不減湖中五月涼  
雨餘山色媚晴暉無事孤雲自在飛坐到黃

昏猶不惡載將明月滿船歸道州郡丞桂如  
麓詩天作高山勢已空地開巖竇巧玲瓏捲成

上塵埃飛不到亭中品題自有元郎句我輩聊  
書一笑同宋道州郡丞趙師俠詩並序郡丞

趙師俠介之同邑令戴翊世漢宗簿舒俊卿國



英游陽華留二絕句於巖中漳熙戊申歲六月  
十三日出郭雖無十里賒僊巖近日號陽華  
雲藏奧窔嵐光潤信美元郎詠可家石罅空  
張石色鮮霞舒乳滴巧雕鐫縈迴棧道泉湍響  
疑是僊家小有天毛方平詩並序僕遊九疑  
道中得浚巖陽華之勝陽華窈而奇水經巖腹  
其來涓涓而出門之勢雄甚佗狀瑰詭咫尺  
變泉石之妙迺如是暇日復陪郡椽攝邑事三  
山王默聲父簿臨川陳希望民詹尉會稽董汶  
文卿知蔡河朔劉顯祖德昭尋幽追涼徜徉盡  
日而猶未滿於中者環閣蔽流莫遂飛羽觴踏  
冰蹠似孤真趣爾嘉定壬申夏至文安毛方平  
希元書併勒所賦於左蜂房泝泝流石乳綫竇  
涓涓細蛩語門前乃作三峽聲似與幽人商出  
處何年結閣洞天眞危柱下侵蛟螭怒坐合空  
洞驚勃磈仙鬼不無號帝所要須濯足跨玉淵  
枕石漱流滌塵務手持白蓮騎赤鯉萬壑千巖  
自風雨窮荒秘穴天所靳稀有中州人訪古山

江華縣志

卷之一

方域

完

谷不來次山來未可歎然懷不遇顏敏行詩  
浮梁環繞闕巖局下有清流嗽玉鳴異迹不容  
款臨眺區區王事又催行案敏行時地失攷  
然陽華惟宋有浮梁今起句有浮梁云云當是  
宋人助邑合蔡光詩陌上寒風草色淒陽華  
深處疎雲迷雲飛石燕穿苔隔風打鐘聲帶  
泥盤徑坐看山月轉迴溪日聽管絃低最深應  
有彭喬住謾憶元郎去後題邑合杜漸詩玉  
泉漉崖陰可以洗我心石鐘秀谷裡可以娛我  
耳我心洗我耳與俱洗我耳娛我心與俱娛借  
問驅車塵陌者何如卜築幽巖居君不見碧田  
學士焚銀魚邑明經蔣茂芝詩一竅壺天景  
最幽洞門環抱小溪流箇中仙境風塵遠任踏  
煙霞恣意遊國朝邑合林調鶴詩眾壑多  
陰晦茲巖獨朗融羲馭懸其前物華照其中嶺  
然皆宇闡構拓非人工虛明悅廣坐爽塏披長  
風乳液僊人餐鴻濛靜者宮所以云可家寄懷  
惟元公耽斯泉石居對之佳氣通開闢若有期



時來窺窿穹澄源湛終古流甘被無窮清音如  
霜鳴搏拊不假桐賞延澹心胸頰仰兼明聰壁  
閒唐宋書剝蝕似蠹蟲手摩以意讀高言發我  
蒙磨崖記此遊姓名託寵崑 邑令鄭鼎勳詩  
覽勝尋幽僻峯巒秀插天鹿鳴芳草嫩鶯囀雨  
花鮮竹語傳天籟松聲譜瑟絃暢懷非外得妙  
契獨怡然 永明蔣琛詩嶙峋高聳插晴空幽  
洞深藏亂石中碧嶂飛霞瀑作雨青嵐爽氣集  
成虹森森修竹參天翠鬱鬱丹楓映日紅仄徑  
牽藤閑步入石鐘敲動韻無窮 郡丞李邦燮  
詩水石涵虛留勝賞崖端重讀漫郎文坐來空  
翠千層碧瀉出寒泉百道分竹密尙零前夜雨  
洞深猶滃隔年雲思來何日  
看重稔憑眺蒼蒼倚夕曛

石居巖在縣西十里相傳有石隱者居此故名前  
後共六洞其第二洞有仙人田阡陌井井石筍

江華縣志

卷之一

方域

三

山

直插約四丈許一名擎天巖

賽月巖一名甌子巖距石居巖一里洞深二里許  
頂有大孔如圓月光明透入故名

瑞巖在縣西二十里

得仙巖在縣東南二十里其山嚮南東西兩面皆  
危峯峭壁每晨有煙從錦田娘娘廟前起沿江  
下至黃泥渡過嶺蜿蜒如匹練直趨巖頭旋轉  
卽消洞中旋有雲漿滴瀝下注石盤相傳爲明  
季邑人陳可獻辟穀處



懸巖在縣西二十五里羅坪村修自前明中容數百人又是村有消巖亦明時修建其寬敞與此巖埒

仙人巖在縣東二十五里巖腹有洞下臨深淵人莫能至咸豐間村人避寇縋而入中平坦容數十人

方巖在縣東二十五里瀟江村右壁立千仞下臨深潭傍一洞甚深內有石磴躡至盡處復闢一洞較前洞更空闊

江華縣志

卷之一

方域

三

山

齋公巖在縣東二十五里深數十丈怪石嶙峋泉流不竭舊傳有高僧居此故名

吳巖在縣東二十五里有二洞前洞深數十丈泉涓涓有聲石壁中供兩師風伯諸像上有石香爐面刻吳巖二字村民於是祈報不知有後洞也咸豐九年有唐姓者避寇其中得之口甚隘火之黝而深行數武忽開拓往復繚曲可容千人仰睇石纍纍如貫珠如懸鐘又多龍鳳獅象之形視地上獲古盃及古錢數十枚又有銅稱



錘上鐫大德九年四字蓋前人曾有至之者最  
後得一門覆以巨石啓視出山後

烏巖在縣西南三十里池水之西岸

偏巖在縣東二十五里旁有徑通道州

神仙巖在縣西南六十里壁如削成巖口宏敞高

數仞中有二孔若日月狀懸空架三木俗稱神

仙橋險絕不可渡遇朽時輒有狂風驟雨更易

新橋旁有洞畧低亦懸空疊砌形似因倉中有

石田阡陌宛然又有石枰曰及糠米之狀其深

江華縣志 卷之一

方域

三

處人不能到相傳有宋時仙女劉三妹肉身

秦巖在秦山下八景之一有石犀向巖俗呼犀牛

吸月巖口昏隘用火導至深處忽平坦上多石

罅光明透入奇狀不可勝紀好事者方諸桃源

仙境云巖壁有秦巖二字筆力蒼古相傳漢蔡

邕書

明道州刺史韓子祁詩聞說桃源好避秦  
此中名跡較猶真居然空谷超凡境只少

長齡越世人幽澗秋深芝草茂石田春暖藥苗

綦從茲更可求仙去莫向迷津不問津 邑明

經劉守道詩一竅壺天景中虛絕點塵石田春  
漠漠芝草色綦綦鳥唱疑賡曲花香還襲人太  
和在宇內笑彼遊秦人 長沙趙布鵠詩行到  
雲邊與月邊月雲深處有壺天掣開地軸穿山



春撼動金關覓睡仙我自明知前事錯汝宜無  
訝後期愈風流瀟灑銀蟾子再別秦巖五十年  
入長林度碧灣窟裏桑麻堪想像洞中鷄犬更  
安閒探奇性癖耽孤往懷古情癡懶速還笑指  
昔賢吟咏處流花曲澗水潺潺 邑拔貢楊愈  
韶詩怪石虛涵孰號秦此中景物總如真玉田  
訝種遊仙手蓮燈疑登避世人望月靈犀躡故  
故貪挑黠鼠掛頻頻寒應積千年雪歷古宜  
知萬代春拔地老梅橫打峭懸崖童子伏嶙峋  
驪珠戲處光何晃冰柱擎時象更新最異洪鐘  
堪拊石還開廣廈好鋪茵相將奇獸同希有未  
必陽華擅絕倫在昔從教雞犬化於今那許瘦  
蛇秦我來幸遇天臺主豈比漁郎去問津

金剛巖在縣東一百里沿崖三十丈巖口有石卓

立如巨人狀 國朝邑令鄭鼎勳有詩 絕巖最高處一山

江華縣志

卷之一

方域

三

巖天外懸梵聲過嶺表鳥跡踏松巔風響沿崖  
竹林迷隔徑煙勢崇如嶽峻登眺亦悠然 永  
明蔣琛詩多年尋勝蹟懷抱不勝殷如此山川  
秀宜傳冰雪文小橋橫野色亂石帶寒雲西望  
正無極蒼  
茫鶴唳聞

穿巖在大墟西二里相對有二口如虹腰中空十

餘丈曲折數里每春水泛漲可通小艇故名左

石壁下別開一竇前臨龍潭村人依竇築墻下

砌石磴架小橋以渡緣竇而上可容千餘人

大巖在黃亭村二里許攀架山之腰左右兩口中

隔一石壁俯有石巷屈曲可通行一里許猶見



天光內寬敞多石笋石鐘及床几屏柱人馬之狀底有寒泉秋冬不涸巖口外有坪如女牆可立百餘人咸豐閒村人嘗避寇於此

下水巖在練江洞韋家村側有溪流繞巖而下故名中有十餘洞入內行數武稍平石瀨涓涓鳴

於巖左由巖右入豁然若大廈至第二洞有石樓高丈許寬約二三丈以火燭之往復繚曲莫窮其境

窮其境

獅子巖在嶺東獅子山巖如獅子之口入內百步

江華縣志

卷之一

方域

三

山

橫一小溪逾溪忽開朗如堂室者數處

古冢巖在葫蘆山右

疑即葫蘆嶺

可藏千人內橫一字

古牆不知何時建也

觀音巖在嶺東平瀨團村後神像蓮座皆石髓結

成洞中景物幽邃真天然普陀也

撐口巖在嶺東小墟北里許巖傍有广如房上闕

一罅時噓寒風有仙人木撐其中相傳明季多

瘟疫蟲蝗之災忽神人以木橫撐巖口害遂絕

木兩歲一易易則有疾雷甚雨隨之其舊木村



人曾有拾之者非松非杉隱隱有符籙

賽普陀巖在嶺東馬鹿山之半懸崖峭壁有石徑

如羊腸長約一里巖壁有觀音像

白鶴巖在賽普陀巖之上百餘步有廟內奉鳳雲

雷雨神祈禱輒應

暖谷府志縣地圖作朝陽谷在寒亭傍入景之一

峭壁突兀古木盤鬱巖寒入之其氣溫然宋治

平中邑尉成紀李伯英始得其處太常博士知

縣事蔣祺作詩刻石上有序夫古之人不偶於時則肆意於山水

# 江華縣志 卷之一

方域

三

山

閒至放言遺情往往皆見其志元公次山有之矣及其亡也幾百年所存者惟寒亭往來者以其有磨崖之誌可驗餘莫能知之丁未治平之

孟春邑尉成紀李君到官始踰月登亭之西相

上石得巖穴命劇之得咫尺□□又劇之復得洞深數尺至於踐行□□者不知可幾人規為

起造皆可志者雖戶外峭寒其中莫能測煥如也巖成李君請余名余名之曰暖谷遂作詩云

爾縣南山水秀且清天地胚胎陶精靈有唐刺史昔行縣訪尋洞穴為寒亭屈指於今幾百

祀磨崖字字何縱橫相隨棧道倚空險來者無不毛骨驚我來二載迷簿牘有時一到瀉餘情

煖賓烹茶遽回首孰知亭側藏巖扁成紀同僚到官始居然心匠多經營乃知物理會有數大

溫黍谷因人成鳩工畚築忽累日曠然疎筍開光明初疑二帝鑿混沌虛空之上羅日星又若

巨靈擘華嶽暖谷之響轟雷霆大巖既闢小巖出壺中之景真且冥洞門春風刮人面其中安



孝溫如蒸翠垂石乳如刻削居環峭壁無敲僮  
舊梯既去小人險新徑之易君子平臨流又廣  
地方丈纍石締宇爲軒楹吁嗟土石仙山古無  
情一旦逢時榮方今出震成大器鼎新基構清  
寰瀛我願天下無凍餒有如此谷安生靈不須  
吹律而後暖千古宜以此爲名 陵谷有時變  
茲巖不可涇神仙三島景天地四時春鼓動龍  
蛇蟄疏通草不新寒亭幾百載今始得良隣  
地勝難埋沒規爲假手通鑿開千古意傾出一  
壺空煦比鮫人室寒消朔吹風從今縣圖上此  
景浩無窮 客有林泉趣尋幽翦薜蘿半山無  
石礙此境得春多隔岸桃花塢臨溪竹筍坡茲  
應是仙隱鶴馭幾時過 又祺族姪之奇有銘  
並序承泰中元次山爲道州刺史巡行江華登  
縣南之亭愛其水石之勝當暑而寒遂命之曰  
寒亭而爲之作記刻石在焉治平四年十月予  
陪沈公儀至其上見其旁有暖谷者方盛寒人  
之而氣溫如挾纊熾炭不若也予甚愛之問其

方域

川

# 江華縣志

## 卷之一

三

所以得之者本邑尉李伯英也問其所以名之  
者縣宰吾族叔祺也噫是可銘也已乃爲銘曰  
惟時有寒寒不在夏夏而寒者茲亭之下惟氣  
有暖暖不在冬冬而暖者茲谷之中物理之常  
人不以異惟其反之是以爲貴茲亭並谷寒暑  
相配寥寥千秋始遇其對名自天得待人而彰  
我勸此銘萬古不忘 邑尉杜汪集杜工部句  
題暖谷詩作尉窮谷僻官高何足論溫溫有風  
味憶昔李公存 何文俊詩千林萬壑鳥飛絕  
六出飄蕭少人跡杖藜暖谷探寒梅暗香瀟洩  
春消息遊人挾纊不須綿融和淑氣常溫然世  
間炎涼自冬夏洞裏那知別有天 陳應尹詩  
暖谷因亭路再開航波梯石架崔嵬若非勝境  
艱難到應是常人容易來觀覽頓消塵俗慮登  
臨多感咏吟才次山精魄應知否沈蕪新詞刻  
翠苔 國朝邑合鄭鼎勳詩涼多入暖谷剔  
薛讀殘碑遠遍千竿竹因尋穎叔詩 郡守楊  
翰詩風雪江山暮孤懷孰與論閒來煨芋火道



味此中存同治癸亥十二月題暖谷拓本即泐  
石間集杜韻寄王繼齋少尉屬刻之巖上息柯  
居士楊翰道州拔貢洪廷揆詩百尺靈巖經  
縵中天開一竅啓鴻濛瀟瀟不識秋風老盞盞  
偏多春氣融半幅雲山千狀異此間光景四時  
同試看羅列兒孫處玉筍亭亭聳碧空

大櫟岡在縣東隔江四里許

沓岡在神仙巖西

陡岡在錦岡東

成岡在嶺東之南

上岡在平岡宿西八里

白泉洞在縣西五里中有井遇旱不涸

江華縣志

卷之一

方域

三

山

天門洞在得仙巖之北數百步平地忽開一窩門  
形宛若天字橫直約二丈許

馬鹿洞在縣東十六里

元石洞在茅栗寨東

浪石在縣南五里八景之一石臺臨踞沱水之上  
湍激瑩澈故名上有唐時古寺相傳為宋邑人

蔣永雄齋誦道場

水

沱水一名沱江出上五堡春頭源下會紅花牛部



流車且久諸源遂成大江今謂之西河其水隨  
池山北流潑洄曲折約行二百餘里徑城南迤  
東會東河以達三义河入道州界

馮水卽今東河水經注出臨賀郡馮乘縣東北馮  
岡導源西北流縣馮谿以托名焉帶約眾流渾  
成一川謂之北渚歷縣北迤西至關下地名未詳  
合萌渚之水

半逢水舊志卽麻貝二江之水出半逢山府志謂  
卽馮水詳半逢山下

江華縣志

卷之一

方域

三

水

萌渚水南出萌渚之嶠北徑馮乘縣西而北注馮  
水在今縣西南一統志謂池秦冬冷折四水皆  
此水派以西河爲沱水經流別列萌渚於沱水  
之外府志據舊省郡諸志謂西河正脈出今上  
五堡春頭源其山高峻險阻當與蒼梧冬冷諸  
山皆屬萌渚之嶠其水下會紅花諸源及西條  
秦冷折洄等水繞沱山北流謂之沱水卽古萌  
渚水未知孰是並存俟攷

沱水出九疑女英峯東北流五十里與沱水合其



源多石湍激有聲故名

泱水出九疑桂林峯北流七十里與沱水合

沱水出禾田山西南流四十里入西河其支流為

涸溪

秦水出秦山西南流五十里合冬冷水入西河之

萌渚明一統志謂水聲嗚咽如秦川與以山得

名異恐傳會之誤也

冬冷水出冬冷山北流與秦水合

折水在縣西出賀縣界東流四十里合冷水以會

江華縣志

卷之一

方域

三

水

秦水入萌渚

宜遷水出廣東連州昆吾山流八十里至縣東南

經宜遷邨西北合錦川諸水入東河

沂水府志在錦田上下中三水之間與宜遷水近

疑即宜遷之譌

濁水在春頭山之西濁水邨

甕水出龍窩塘川巖流二十里會西河

花江在興賢鄉源出開丸山流徑高山入於東河

瓦窰江在錦田東



濠江從龍海發源委曲三十里會河隔界

灣江在從化鄉府志疑即洄水

鼓子江在太平鄉府志疑即古子渡

霧江府志疑即泐水異名

靈江從白接界發源委曲百里會大河

麻江

貝江從廣東天鷲塘發源過東場塘流百三十里

會練江

練江從嶺東蛟蟲巖發源流二十里會小墟舊志

江華縣志

卷之一

方域

一

縣圖作輦江

神江在春頭山西

礪石江在麻江南與東水源近

洄溪在縣南三十里即洄水支流乳水松膏所積

泉甘宜稱飲之者壽稱不老泉唐張子厚五

居此年八十如少壯自號洄溪翁元結嘗為詩

貽之載藝文溪中產蘭幽香馥郁土人珍之謂

之洄溪蘭

國朝邑合鄭鼎勳詩芳風藻波色垂柳如翻川幽香四山來乃在居

室前左右多古樹虬螭蟠虛檐溶溶洄溪水清冽彌澄鮮試效長鯨吸飲之馥喉咽張翁舊時



顏駐以丹沙泉沆瀣不自酌日夕邀神仙  
明蔣琛詩春風吹紫瀾孤香來隱約黃鸝兩  
聲芳菲氣自若散步來溪邊驚魚泳深壑俯仰  
無累形素心如若有托羨昔涸溪翁意適非寂寞  
又詩四山時蒼翠中留人影度水勢漸漸深  
復崢嶸未可數老松蒙古雲瘦竹漾清露林轉溪  
聲迴天光纔一吐愛茲山水幽多為塵勞誤煙  
月發山間清景無人語幽獨轉生寒踟躕泉外  
路又詩鷗鷺負緣伴此心孰與同朝看不老  
泉暮領涸溪風邑合王玉輝詩涸溪潺湲抱  
村舍居民棲隱雲林下龐眉皓首二三老相見  
依依說農稼我憶涸溪清且幽飲泉得壽心所  
求但恐風塵對高逸  
笑我宜休猶未休

春頭源出春頭源山

大步源在錦田南七十餘里與大錫小錫二邨相

江華縣志 卷之一

方域

里

水

近以水經注按之當即古萌渚之錫方

東水源近礪石江

清水源在縣西南出富川縣清水源山流徑連山

脚入西河

紅花源

牛部源會魯塘口五里

流車源李里沖發源流八十里會魯塘口

且久源楊梅沖發源合流車水流二十里會魯塘

山



漕灘在霧江口之東又黃泥塘北有觀音灘

鷓鴣壩在舊縣圍又舊縣圍有大壩

白竹欄在楊山西

龍泉出龍巖源流不竭極灌溉之利一名白泉

明泉在大同鄉水甘白故名

益壽泉在五嶽廟前味甘美近村三百餘戶咸汲

於此

五嶽廟見建置門

犀牛巖泉在嶺東清流如帶至水口市與錦田河

合

# 江華縣志

## 卷之一

方域

里

水

長壽井在縣治右武廟前明天順開闢浚

甘冽井在南關內味甘色皎浚自前明

樂利井在縣城外大街甘美宜人四時不竭

寒暖井在五嶽廟旁冬溫夏寒大旱不竭

石苔井在梯子嶺西五里俗作石踏井

青絲井在香山南八里

雷公井在上茶園灌田二百餘畝每雷鳴水色即

黃故名

白泉井在白泉村龍泉廟前深莫能測相傳與零



陵縣署前惠愛井同源

鄉邨

太平鄉里統二十七邨

劉家塘 伍家寨 赤竹園 鼓子江 上宅

白泉 大鑑 小水 上車 新建

下車 小源 星橋 大壩 振田

松岸 切路 巖口 木園 魯塘

東田 景賢 鍾靈 薛家 豐田

苦竹 羅坪

江華縣志 卷之一

方域

里

村落

大同鄉里統十六邨

劉家片 草坪 麥田 迴溪 金雞

雲田 濤墟 車下 平澤 五丁

大源 小陂 明泉 雲川 新田

寶巖

興德鄉里統十三邨

河家邨 石榴灣 松柏 平樂 獵灣

德橋 鐸嶺 石下 蔣家 猴山

水美 羅田 尖石



從化鄉里統八都

沙海田 上眉洞 下眉洞 牛皮寨 林

彭蠡 潯江 宜遷

興賢鄉里統四都 明嘉靖八年增

牛屎田 花地灣 神仙洞 花

安樂鄉里統十二都 明嘉靖三十一年增

竹子尾 上五堡 高村 泥村 明

油渡 李家 尖山 龍城 小

大塘 八屯

江華縣志 卷之一

方域 器 都

嶺東鄉分上下中三段每段各分四團

上段冷溪團統十四都

高寨村 有汛 大塘都 鄧家都 對面村 勒塘

寨脚村 靖邊營 小漕村 龍巖口 山社

涼傘村 楊家冲 三甲口 草黃冲

上段均源團統十三都

士林山 秧地山 猪嘴山 子巖洞 高浪

架澗冲 洞尾村 螺石洞 冷水源 竹嶺 有汛

張家洞 蔚竹冲 良源村



上段珠圓圍統十一邨

大墟市 舊名橋頭墟與嶺東營之左右街相連每逢一四七日為市乾隆初年立

聶家村 羅家村 山脚村 嶺頭屋 牛圍

村 巖口村 漢洞村 上寶鏡 黍坪寨

屋地灣

上段馬安圍統八邨

大邨 大路邨 犀牛橋 日晒社 西嶺

石馬塘 文明山 山窰田

中段大埔圍統十邨

江華縣志 卷之一

方城

畧

邨落

黃亭村 大埔邨 溝邊寨 源頭村 木圍

景 大寨邨 白竹洞 大源冲 小九源

大深冲

中段塘浮圍統十三邨

書里邨 老屋邨 三門口 石基洞 東冲

近田邨 新寨邨 下寶鏡 大巖口 上車

田 社冲口 牛圍背 香爐山

中段平瀨圍統十一邨

浮蟬邨 何家灣 上楓木 下楓木 塘肚



郵 深塘寨 寨崽郵 莫家洞 張右冲

半水郵 水口市 以二五八日為市 道光十七年立

中段練江圍繞十郵

寨底郵 井頭寨 韋家寨 黎家寨 杉本

根 青山口 十字路 白露塘 大深冲

蓮塘

下段秀金圍繞十郵

黃家郵 下車田 新田村 賈家寨 荆郵

蔡家塘 木山口 斗田洞 田洞郵 小墟

江華縣志 卷之一 方域 吳

市 以三六九日為市 乾隆初立

下段秀水圍繞十二郵

寨脚洞 大坪郵 杉柳郵 沙碑郵 大嶺

春陂郵 百祝郵 黃緣郵 沙洲郵 大栗

朗 蒙家寨 下砂背

下段上眉圍繞二十郵

源口郵 鍾家郵 韋家郵 老栗凹 何家

郵 山脚 陳家郵 紅泥嶺 橋頭舖 新

郵 甘家郵 賢家郵 石家郵 下眉郵



拋毬嶺 高嶺 姚家冲 牛塘營 小深冲  
茶花園

下段城岡團統八都

龍會寨 貝家都 金獅寨 南寨 清塘

蕨貝寨 觀音山 開源冲

錦田鄉分八團

咸甯團統三都

中河水 後河水 大塘寨

永慶安團統七都

江華縣志 卷之一

方域

畧

村落

林江河 麻江河 黃沙 官渡 山門 天

灣 梅子溝

永綏團統八都

石龍寨 橋陂寨 大寨 杉木根 黃馬寨

軍屯寨 燈掛寨 水井寨

靖南團統七都

佛子寨 村頭寨 栗木寨 中都寨 龍安

寨 小錫寨 芙蓉寨

永靖團統九都



白石山 大塘寨 新慶寨 沙洲寨 高寨  
坭坡寨 安甯寨 瓦城寨 坭塘寨  
長安團結九邨

山冲寨 厚塘寨 烏石寨 劉家寨 烏陂  
寨 龍虎島 輦江寨 下灣寨 燈盞寨

永定團結八邨

水口寨 犬柳寨 烏龍江 沈田冲 兩河  
口 錦被寨 朝陽寨 馬頭舖

東安團結八邨

江華縣志 卷之一

方域

哭

邨落

浴飯灘 長坪寨 大坪寨 迴龍寨 黃竹  
寨 橫口寨 毛栗寨 五窰寨

